



بابکین حرکاتی و اونون قیزیل بایراقی ایشچیلر، اکینچیلر و زحمتکش انسانلارین حرکاتی و بایراقدیر!

با بک! بو آزادلیق و برابرلیک یولوندا اوز زمانیندا چالیشان و جان قویان قهرمانین ایل دونومی یاخین لاشیر بابکین حرکاتی و اونون آزادلیق و برابرلیک یولوندا مبارزه سی، آذربایجان، ایران و بلکه ده دنیا تاریخینین شانلی صحیفه له ریندن بیر دیر. بابک حرکاتی قیزیل بایراق آلتیندا، ظلم و ستم، حق سیزلیک، ارتجاع قوه له ری و مذهب و سنت علییه آپاریلان بیر مبارزه ایدی. اونا گوره تمام ستمکارلار، ظلم و استثمار سایه سینده ثروت و مکننت صاحبیلاری، دین و مذهب باشچیلاری، چه عرب و خلیفه قاپوسینا باغلی اولان و چه ایرانین آیری بیر یرینده یاشیان لار هاموسی بابک حرکاتین دشمنی اولاراح بیرلیکده اونو وانون باشینا ییغیشان زحمتکش انسانلاری نابود ایت مه گه ال بیر اولدولار. اونلارین حرکاتینی سرکوب اید مه ک اوچون قدرت نوکرله ری، ثروته باغلی، قان ایچپ قان توکه ن آیت اله لار و حجت السلامار، فتوالار، تکفیرنامه له ر یازدیلار. نجه کی بوزماندا، یه نه ده بابه کی و اونون حرکاتین تکفیر ایدمه گیله ایستیریل له ر خالقین آیشینین قباقرین آلوب و اونلاری بیریرینین جانینان سالیب و بو حرکاتین بوزماندا دا قباقرینی آلسینلار. عجب دیر کی بیر عده شارلاتان و فیرتانچی، ظاهرده اونلارا جواب ویرمه ک اوچون بابه کی وانون حرکاتینی مذهب و ارتجاعی دوشونجه له ره باغلیب و اونو بیر متعصب مذهبی آدام تانید دیرماقا تلاش ایدیل له ر. بونا گوره ده عملا بابک حرکاتین علییه فتوا ویره ن آیت اله لار را، و اسلام جمهوریه تینین سرکوبگر سیاستینین قباقا آپاریلینماسینا بیر بویوک خدمت ایدیلر. نیه کی آذربایجان خالقینین رادیکال حرکاتی اونلارین بابکین آزادیخواه و برابرلی طلب و ضد ارتجاع حرکاتینن الهام آلماسینی اوز منفعت له رینه بیلمیلر. و حال اینکه بابه کین مبارزه سی و اومبارزه ده اشتراک ایده ن له ر، ظلم و ستم و استثمار و سرکوب علییه ایقا قالغیب و بیر آزاد برابر جامعه که اوندا ستم جنسی ده ن، مللی ده ن و طبقاتی ده ن خبر اولمیا، طلب ایدیردیلر. اوزماندا دا بابک و زحمتکش انسانلار آل بایراق ال ده، قدرت و ثروت صاحبیلارینین علییه مبارزه ال ویردولار، کی ایندی ده دوام ایدیر و دوام ایده جه ک.

بابکین حرکاتی و اونون قیزیل بایراقی ایشچیلر، اکینچیلر و زحمتکش انسانلارین حرکاتی و بایراقدیر!

بو حرکتله ر ایل له ر بویو دوامی وار، ظلم، ستم، استثمار و آیری حقوق سیزلیق دوام ایدرکن و آزادلیق، برابرلیک و انسان حقوق لاری یه رینه چاتینجان بوحرکات دوام تاپاجاق.

بیز بیتو آذربایجان زحمتکش خالقینان ایستیریک کی، بابک مراسمیندا مستقلا شرکت ادیب و اوز شعارلارینی و ایسته دیک له رینی که عبارت اولا آزاد لیق، برابرلیک، حق تعیین سرنوشت و آیری رفاهی و صینفی و سیاسی شعارلارین آریا قویماقینان، نشان ویریسینله ر که آذربایجان خالق بابک حرکاتینان و و آیری خالق قهرمانلارینان الهام آلیب و بو یول دا مبارزه ال ووراجاق، آذربایجان خالق، آیری خالق لارین، از جمله فارس خالقین اوزینه دشمن بیلمیر، بلکه اونلاری ارتجاع و سرکوبگر نظام علییه و قدرت و ثروت صاحبیلر رینین علییه آپاریلان مبارزه ده اوز متحد له ری بیلیل له ر.

بیرلشمیش کمونیست فدائیی لرین آذربایجان ایالتی کمیته سی بومراسم ده اشتراک تدیب و حقیقی آزاد و دموکرات و سوسیالیست و مترقی قوه لرله اشتراک ایتمه گه چالیشاجاق، بیز آذربایجان فدائی له ری، اوز وظیفه میز بیلیریک کی نیجه کی آذربایجان خالقین آزادلیق و سعادت یولوندا چالیشیریک، اوزماندا دا، ارتجاعی و یالانچی ناسیونالیست و شونیستی گروپ لارین علییه مبارزه ایدیب و اونلارین دوشونجه سین و هدف له رینین ماهیه تینی آذربایجان خالقینا آیدین لاشدیرسین.

یاشاسین بابک حرکاتینین تداومی، یاشاسین بابک خاطره سی! یاشاسین دوام ایده ن مبارزه میز!

بیرلشمیش

کمونیسٹ فدائی له رین آذربایجان ایالتی کمیته سی

۵ خرداد ۱۳۸۳